



Tužilaštvo/Tužiteljstvo Bosne i Hercegovine
Тушилаштво Босне и Херцеговине

Broj: T20 0 KTA 0024246 23
Sarajevo, 12. 08. 2025.godine

Na osnovu člana 216. stav 3. Zakona o krivičnom postupku Bosne i Hercegovine, donosim,

N A R E D B U
o neprovođenju istrage

Povodom e maila „(...)“ i „(...)“ koji su u Tužilaštvu BiH zaprimljeni dana ... 2023.godine, koji su prijavili da su se dana ...2023. godine nakon komemoracije, prilikom obilježavanja genocida u Srebrenici i kolektivne dženaze žrtava genocida kada su gosti napustili Potočare u Srebrenici, putem razglasa crkve u Srebrenici na neprimjereno glasan način, svojstven proslavi, puštale pjesme kojima se proslavlja oslobođenje srpske vjere od Turaka,

zbog krivičnog djela Izazivanje nacionalne i vjerske mržnje razdora i netrpeljivosti propisanog u članu 145a. stav 3. Krivičnog zakona BiH, u vezi sa stavom 5. jer ne postoje osnovi sumnje da je počinjeno navedeno krivično djelo.

O b r a z l o ž e n j e

Tužilaštvo BiH je dana ...2023. godine zaprimilo e mail dostavljen od strane „(...)“ i „(...)“ koji su prijavili da su se dana ...2023.godine nakon komemoracije, prilikom obilježavanja genocida u Srebrenici i kolektivne dženaze žrtava genocida kada su gosti napustili Potočare u Srebrenici, putem razglasa crkve u Srebrenici na neprimjereno glasan način, svojstven proslavi, puštale pjesme kojima se proslavlja oslobođenje srpske vjere od Turaka, **te da se u konkretnom slučaju radi o krivičnom djelu** Izazivanje nacionalne i vjerske mržnje razdora i netrpeljivosti propisanom u članu 145a. stav 3. Krivičnog zakona BiH, **u vezi sa stavom 5. Krivičnog zakona BiH.**

Kao prilog navedenim mailovima dostavljeni su komentari objavljeni na novinskim portalima vezanim za navedeni događaj.

Postupajući po Naredbi Tužilaštva od ... 2025.godine Državna agencija za istrage i zaštitu Regionalna kancelarija Tuzla je dostavila Izvještaj o postupanju po Naredbi Tužilaštva broj ... od ...2025.godine u prilogu kojeg je Službena zabilješka broj ... od ...2025.godine u kojoj je navedeno da su policijski službenici ove Agencije obavili razgovor sa „(...)“ ... koji je naveo da je dana ...2023.godine u večernjim satima dok je bio u Potočarima zaprimio poziv od strane više lica koja su mu tom prilikom saopštila da se u Srebrenici iz Pravoslavne crkve pušta glasna muzika putem razglasa, te da se na taj način omalovažava dan žalosti. Nadalje je naveo da mu nije poznato koja vrsta muzike je puštana putem razglasa, ali u razgovorima koje je obavio putem telefona je zaključio da su prisutni građani uznemireni zbog pomenutog događaja, da je zaprimio više poziva od lica koja su čula za događaj putem medija i koja su tražila da se vrate u Srebrenicu, da iskažu nezadovoljstvo, međutim prema njegovim navodima on nije odobrio ovakvo postupanje, jer bi se kako je naveo „podigle tenzije“ te narušili međuljudski odnosi u Srebrenici, te je istakao da je više medijskih kuća zadokumentovalo predmetni događaj. Nadalje je istakao da je ubrzo poslije toga stigao u Srebrenicu da bi u trenucima njegovog dolaska u Srebrenicu čuo muziku putem razglasa, te da je odmah otišao u nadležnu policijsku stanicu u Srebrenicu i prijavio događaj, tražio da policija interveniše, da bi nakon toga muzika ubrzo bila ugašena ili utišana.

Također je naveo da mu nije poznato ko je organizator navedenog događaja u Pravoslavnoj crkvi u Srebrenici, ali da pretpostavlja da je to „(...)“, te da je muzika putem razglasa puštana iz dvorišta Pravoslavne crkve i naveo da smatra da je razlog glasnog puštanja muzike vezan za obilježavanje crkvenog praznika Petrovdan, kada se tim povodom pušta duhovna muzika, da mu je poznato da je navedenog datuma u Pravoslavnoj crkvi duhovnu muziku izvodio hor u Bijeljini. Također je istakao da se ovako puštanje muzike putem razglasa desilo samo jednom, odnosno dana ... 2023.godine i da ranije nije bilo zabilježenih slučajeva puštanja glasne muzike iz dvorišta crkve na dan komemoracije i klanjanja dženaze u Srebrenici.

U Službenoj zabilješci Državne agencije za istrage i zaštitu Regionalna kancelarija Tuzla broj ... od ...2025.godine je navedeno da su povodom prijave o spornom događaju obavili razgovor sa „(...)“, ... u kojem je naveo da je dana ...2023.godine putem zvučnika iz Pravoslavne crkve puštana duhovna muzika i ista se vezuje za obilježavanje crkvenog praznika Petrovdan, da je to višedecenijska tradicija, da se tom prilikom vjernici skupljaju u crkvi i da puštanjem duhovne muzike obilježavaju praznik, da se ovakav način obilježavanja praznika praktikuje svake godine i da ovo nije bio samo slučaj tokom 2023.godine da se svake godine organizuje manifestacija i da je tom prilikom puštana pjesma „Veseli se srpski rode“. Također je naveo da mu je poznato da postoje prijave i da je zbog navedenog događaja putem društvene mreže ... zaprimio prijetnje, da mu je poznato da se pozivalo na okupljanja ispred crkve u Srebrenici, kao i da je zbog navedenih

prijetnji imao zdravstvene probleme, te da je navedene događaje prijavio u nadležnu policijsku stanicu u Srebrenici.

Krivično djelo Izazivanje nacionalne i vjerske mržnje razdora i netrpeljivosti iz člana 145a. stav 3. Krivičnog zakona BiH glasi:

„Ko javno odobri, porekne, grubo umanji ili pokuša opravdati zločin genocida, zločin protiv čovječnosti ili ratni zločin utvrđen pravosnažnom presudom u skladu s Poveljom Međunarodnog vojnog suda pridruženom uz Londonski sporazum od 8. avgusta 1945. ili Međunarodnog krivičnog suda za bivšu Jugoslaviju ili Međunarodnog krivičnog suda ili suda u Bosni i Hercegovini, a usmjereno je protiv grupe osoba ili člana grupe određene s obzirom na rasu, boju kože, vjeroispovijest, porijeklo ili nacionalnu ili etničku pripadnost, i to na način koji bi mogao potaknuti na nasilje ili mržnju usmjerenu protiv takve grupe osoba ili člana takve grupe, kaznit će se kaznom zatvora od šest mjeseci do pet godina“

Stav 5 glasi: *„Ako je krivično djelo iz stava (1) do (3) ovog člana počinjeno na način kojim se može poremetiti javni red i mir ili je prijetenje, zlostavljajuće ili uvredljivo, počinitelj će se kazniti kaznom zatvora od najmanje tri godine.“*

Tužilaštvo je analiziralo prikupljene dokaze te donijelo Naredbu da se istraga neće sprovesti iz razloga propisanog u članu 216. stav 3. Zakona o krivičnom postupku BiH, jer nema osnova sumnje da je počinjeno krivično djelo Izazivanje nacionalne i vjerske mržnje razdora i netrpeljivosti iz člana 145a. stav 3. u vezi sa stavom 5. Krivičnog zakona BiH, prvenstveno uzimajući u obzir činjenicu da u konkretnom slučaju puštanje muzike putem razglasa srpske Pravoslavne crkve u Srebrenici nije imalo za cilj da se *javno odobri, porekne, grubo umanji ili pokuša opravdati zločin genocida, zločin protiv čovječnosti ili ratni zločin utvrđen pravosnažnom presudom* pogotovo ne na način koji bi mogao potaknuti na nasilje ili mržnju usmjerenu protiv takve grupe osoba ili člana takve grupe, kako to propisuje stav 3. člana 145a. KZ BiH, također isti zaključak proizilazi i u odnosu na stav 5. istog člana iz kojeg također ne proizilazi da je djelo počinjeno *na način kojim se može poremetiti javni red i mir ili je prijetenje, zlostavljajuće ili uvredljivo*, nego da se u konkretnom slučaju radilo o obilježavanju crkvenog praznika Petrovdan, što je kako to proizilazi iz izjave „(...)“ višedecenijska tradicija, kojom prilikom se vjernici skupljaju u crkvi i da puštanjem duhovne muzike obilježavaju praznik, da se ovakav način obilježavanja praznika praktikuje svake godine i da ovo nije bio samo slučaj tokom 2023. godine da se svake godine organizuje manifestacija a što sve proizilazi iz izjave „(...)“ koji je rekao da je tom prilikom i puštana pjesma „Veseli se srpski rode“.

Također njegove navode, da se u konkretnom slučaju radilo o obilježavanju crkvenog praznika Petrovdana je potvrdio i ... u Srebrenici „(...)“.

Iz svega navedenog proizilazi u odnosu na radnju izvršenja, nisu ispunjeni bitni elementi ovog krivičnog djela, pa samim tim proizilazi da ne postoji niti osnov sumnje da je

počinjeno krivično djelo Izazivanje nacionalne i vjerske mržnje razdora i netrpeljivosti iz člana 145a. stav 3. i 5. Krivičnog zakona BiH, zbog čega je odlučeno kao u dsipozitvu.

U smislu člana 216. stav 4. Zakona o krivičnom postupku BiH, o odluci će biti obaviješten podnosilac krivične prijave koji na ovu odluku ima pravo podnijeti pritužbu uredu Tužioca u roku od 8 (osam) dana od dana prijema obavjesti.

TUŽILAC
TUŽILAŠTVA/TUŽITELJSTVA BiH